



www.odgojnicentarks.ba  
info@odgojnicentarks.ba

**KJU "Odgojni centar Kantona Sarajevo"**  
**KJU "Одгoјни центар Кантона Сарајево"**



Jukićeva bb  
71 000 Sarajevo

Tel: + 387 (0) 33 200-425  
Fax: + 387 (0) 33 200-424

Upravni odbor

**Broj: 31-01-02-999/21**

**Datum: 12.10.2021. godine**

Na osnovu člana 27., 28. i 29. Zakona o ustanovama („Službeni list RBiH“ broj 6/92, 8/93 i 13/94), člana 29. i 34. Pravila KJU „Odgojni centar Kantona Sarajevo“ broj 35-01-02-461-01/14 od 25.07.2014. godine, broj 35-01-02-266-01/17 od 18.05.2017. godine, broj 35-01-02-315-01/19 od 18.06.2019. godine i broj 31-01-02-804-01/20 od 04.08.2020. godine, a u skladu sa Pravilnikom o vrsti stručne spreme i proceduri izbora i imenovanja direktora javnih ustanova iz oblasti socijalne zaštite („Službene novine Kantona Sarajevo“ broj 49/18 i 22/19), Upravni odbor KJU „Odgojni centar Kantona Sarajevo“ na svojoj 6. sjednici održanoj dana 12.10.2021. godine, donosi

## **ODLUKU**

### **I**

Za direktora Kantonalne javne ustanove „Odgojni centar Kantona Sarajevo“ **imenuje se Midhat Kerla, magistar komunikoloških nauka.**

### **II**

Direktor se imenuje na period od 4 (četiri) godine.

### **III**

Odluka stupa na snagu dan nakon dana donošenja Odluke Vlade Kantona Sarajevo o davanju saglasnosti.

## **O b r a z l o ž e n j e**

Upravni odbor KJU „Odgojni centar Kantona Sarajevo“ je dana 06.09.2021. godine donio Odluku o raspisivanju Javnog konkursa za izbor i imenovanje direktora KJU „Odgojni centar Kantona Sarajevo“ i imenovao Komisiju za utvrđivanje liste kandidata koji ispunjavaju uslove konkursa.

Navedeni Javni konkurs objavljen je u dnevnom listu „Dnevni avaz“ i službenoj web stranici Ustanove dana 08.09.2021. godine, te su se na isti prijavila ukupno 2 (dva) kandidata i to: Amer Softić i Midhat Kerla.

Uvidom u Izvještaj Komisije za utvrđivanje liste kandidata koji ispunjavaju uslove konkursa, utvrđeno je da su obje pristigle prijave blagovremene, te uredne i formalno – pravno ispravne i kompletne.

U skladu sa navedenim Izvještajem, Upravni odbor je pozvao kandidate koji ispunjavaju uslove konkursa na intervju dana 04.10.2021. godine i to kandidata Softić Amira sa početkom u 12:00 sati, te kandidata Kerla Midhata sa početkom u 13:00 sati.



Na osnovu obavljenog intervjua kao i ukupno dodijeljenih bodova, Upravni odbor je utvrdio da je kandidat Midhat Kerla zadovoljio tražene kriterije, te je imenovani prvorangirani kandidat.

Uvidom u priloženu dokumentaciju kao i kroz obavljeni intervju, Upravni odbor Ustanove je ocijenio da je Midhat Kerla ispunio i iskazao radne i stručne sposobnosti definisane i utvrđene Pravilnikom o vrsti stručne spreme i proceduri izbora i imenovanja direktora javnih ustanova iz oblasti socijalne zaštite („Službene novine Kantona Sarajevo“ broj 49/18 i 22/19).

Cijeneći sve naprijed navedeno, Upravni odbor KJU „Odgojni centar Kantona Sarajevo“ je na svojoj 6. sjednici održanoj dana 12.10.2021. godine, na osnovu člana 27., 28. i 29. Zakona o ustanovama („Službeni list RBiH“ broj 6/92, 8/93 i 13/94), člana 29. i 34. Pravila KJU „Odgojni centar Kantona Sarajevo“, a u skladu sa Pravilnikom o vrsti stručne spreme i proceduri izbora i imenovanja direktora javnih ustanova iz oblasti socijalne zaštite („Službene novine Kantona Sarajevo“ broj 49/18 i 22/19), jednoglasno donio Odluku kao u dispozitivu.



**Predsjednik  
Upravnog odbora**

**Quad Podrug**

[Redacted signature]

*Dostaviti:*

- *Vlada Kantona Sarajevo (putem Ministarstva za rad, socijalnu politiku, raseljena lica i izbjeglice Kantona Sarajevo);*
- *Ministarstvo za rad, socijalnu politiku, raseljena lica i izbjeglice Kantona Sarajevo;*
- *evidencija*
- *a/a*